



REPUBLIKA E SHQIPËRISË  
INSPEKTORATI QENDROR

URDHËR

Nr. 7, datë 20/01 /2012

PËR

**“MIRATIMIN E RREGULLORES PËR PARANDALIMIN E KONFLIKTIT  
TË INTERESAVE NË USHTRIMIN E FUNKSIONEVE PUBLIKE NË  
INSPEKTORATIN QENDROR”**

Mbështetur në Ligjin Nr. 9367, datë 7.04.2005 “Për parandalimin e konfliktit të interesave në ushtrimin e funksioneve publike” dhe në Ligjin Nr. 9049, datë 10.04.2003 “Për deklarimin dhe kontrollin e pasurive, të detyrimeve financiare të të zgjedhurve dhe të disa nëpunësve publikë”

URDHËROJ:

1. Miratimin dhe zbatimin e Rregullores “Për parandalimin e konfliktit të interesave në ushtrimin e funksioneve publike, në Inspektoratin Qendror”.
2. Bashkëlidhur Rregullorja “Për parandalimin e konfliktit të interesave në ushtrimin e funksioneve publike, në Inspektoratin Qendror”.
3. Ky urdhër hyn në fuqi menjëherë.

Mimoza HAJDARMATAJ  
INSPEKTOR I PËRGJITHSHËM





2

**REPUBLIKA E SHQIPERISE**  
**INSPEKTORATI QENDROR**

**LENDA: RREGULLORE PËR PARANDALIMIN E KONFLIKTIT TË INTERESAVE NË USHTRIMIN E FUNKSIONEVE PUBLIKE NË INSPEKTORATIN QENDROR**

**KREU I**  
**RREGULLA TË PËRGJITHSHME**

**Neni 1**  
**Baza ligjore**

Rregullorja për parandalimin e konfliktit të interesit në Inspektoratin Qendror, bazohet në ligjin nr.9367, datë 7.4.2005, "Per parandalimin e konfliktit te interesave ne ushtrimin e funksioneve publike" dhe në ligjin nr. 9049, datë 10.4.2003 "Per deklarimin dhe kontrollin e pasurive, te detyrimeve financiare te te zgjedhurve dhe te disa nepunesve publike".

**Neni 2**  
**Përkufizime**

1. "Zyrtar" është çdo person, që kryen detyra dhe ushtron funksione publike prane Inspektoratit Qendror.
2. "Eprorët e zyrtarëve" ne Inspektoratin Qendror, sipas hierarkise, brenda institucionit te Inspektoratit Qendror jane:
  - a) Inspektori i Përgjithshem, dhe
  - b) Drejtoret e Drejtorive.
3. "Institucion epror" për Inspektoratin Qendror është Kryeministri. Roli "epror" ushtrohet në përputhje me ligjet nr. 9000, date 30.1.2003 "Per organizimin dhe funksionimin e Keshillit te Ministrave" dhe nr. 10 433, date 16.6.2003 "Per inspektimin ne Republiken e Shqiperise" si dhe ne perputhje me VKM nr. 630, date 14.09.2011 "Per organizimin dhe funksionimin e Inspektoratit Qendror".

4. "Person i lidhur me një zyrtar të Inspektoratit Qendror" është çdo person fizik ose juridik, i cili rezulton të ketë pasur ose të ketë lidhje interesi privat me zyrtarin sipas përcaktimit të nenit 5 të ligjit nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike".

5. "Autoritet pergjegjes" ne kuptim te kesaj rregulloreje eshte njesia e ngritur posacerisht me urdher te Inspektorit te Pergjithshem sipas nevojës dhe mundësive te Inspektoratit Qendror.

6. "Parim i proporcionalitetit" është raporti ndërmjet rëndësisë së detyrave, përgjegjësisë dhe kompetencave të një zyrtari të Inspektoratit Qendror me masat për parandalimin e konfliktit të interesave, raport në të cilin sa më të rëndësishme të jenë detyrat, përgjegjësitë dhe/ose kompetencat e tij, aq më të shumta janë kufizimet e interesave vetjake.

### **Neni 3**

#### **Fusha e zbatimit**

Rregullorja përcakton norma të detyrueshme për t'u zbatuar nga:

1. Cdo zyrtar i Inspektoratit Qendror, që ndodhet në pozicione, ka përgjegjësi, kryen detyra ose ushtron kompetenca të llojeve konkrete, të përcaktuara shprehimisht në ligjin nr. 9367 date 07.04.2005 "Per parandalimin e konfliktit te interesave ne ushtrimin e funksioneve publike" dhe në ligjin nr. 9049 date 10.4.2003 "Per deklarimin dhe kotrollin e pasurive, te detyrimeve financiare te te zgjedhurve dhe te disa nepunesve publike", ne metodiken dhe rregulloren e brendshme te Inspektoratit Qendror.

2. Cdo zyrtar i Inspektoratit Qendror, kur ai merr pjesë në një vendimarrje për akte dhe kontrata administrative;

3. Cdo zyrtar i Inspektoratit Qendror kur ai merr pjesë në një vendimarrje për kontrata, që krijojnë marrëdhënie juridiko-civile, me palë personat e lidhur në masën dhe mënyrën e përcaktuar në ligjin nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike" dhe në nenin 37 të Kodit të Procedurave Administrative.

### **Neni 4**

#### **Çastet paraprake të vendimarrjes**

Për qëllimet e kësaj rregulloreje:

a) vendimarrje për një akt do të vlerësohet, në çdo rast, çasti i fundit i procesit vendimarrës, gjatë të cilit vendoset përmbajtja përfundimtare e aktit;

b) vendimarrje për një akt do të vlerësohen edhe ato çaste paraprake të vendimarrjes, sipas shkronjës "a" të kësaj pike, të cilat janë thelbësisht të rëndësishme dhe përcaktuese për përmbajtjen përfundimtare të aktit, qe përfshijnë, por nuk janë të kufizuara si më poshtë:

i. hartimin e projektaktit nga zyrtari ose zyrtarët dhe dorëzimin organit apo zyrtarit kompetent për vendimarrje;

ii. dhënien e komenteve, mendimeve, sugjerimeve e çdo kontributi tjetër të dokumentuara, për këtë projektakt nga zyrtarë të tjerë, brenda apo jashtë institucionit;

- iii. dhënien e komenteve, mendimeve, sugjerimeve e çdo kontributi tjetër të dokumentuara, nga çdo zyrtar si pasojë e kërkesave, pretendimeve apo informacioneve të subjekteve të interesuara për këtë projektakt;
- iv. dhënien e komenteve, mendimeve, sugjerimeve e çdo kontributi tjetër të dokumentuara, të çdo zyrtari me kompetencë për të vendosur përfundimisht për aktin;
- v. përfshirjen e çdo dokumenti paraprak, ndërmjetës dhe/ose shoqërues të një vendimmarrjeje për një akt ose kontratë që lidhet kryesisht me organizimin, të ardhurat, shpenzimet, strategjitë, burimet njerëzore, funksionet, detyrat e përgjegjësitë administrative pa praninë e të cilëve nuk do të vendosej dhe mbështetej përmbajtja përfundimtare e projektaktit ose projektkontratës në tërësinë e tyre;
- vi. çdo rast tjetër në përputhje me specifikat konkrete e përkatëse të misionit e të veprimtarisë së Inspektoratit Qendror.

#### Neni 5

#### Kompetenca thelbësore dhe përcaktuese për një akt

1. Një zyrtar i Inspektoratit Qendror ka kompetencë thelbësore dhe përcaktuese për një akt, nëse pjesëmarrja, ndikimi dhe qëndrimi i tij në vendimmarrjen për këtë akt, sipas nenit 4 të rregullores, përcaktojnë përmbajtjen e aktit.
2. Si kompetencë thelbësore e përcaktuese e një zyrtari për një akt, përfshihet, në secilin nga çastet paraprake të mësipërme të vendimmarrjes, mundësia për të ndikuar mbi vendimmarrjen që buron nga:
- a) roli zyrtar urdhërues, propozues, këshillues, zbatues ose kontrollues i ushtruar, që rrjedh nga pjesëmarrja, ndikimi dhe qëndrimi në përgatitjen, negociimin, propozimin, këshillimin, miratimin, administrimin, kontrollin ose ekzekutimin e një akti apo kontrate;
- b) zotërimi i informacionit, që lidhet kryesisht me të dhëna sensitive për subjektet dhe/ose ish subjektet, të dhëna për tatimet e doganat, kuadrin rregullator, informacione sensitive personale, informacione për organet e hetimit e të ndjekjes, informacione për politikën ekonomike qeveritare dhe administrimin financiar;
- c) çdo shkak tjetër në përputhje me specifikat konkrete e përkatëse të funksionit e të veprimtarisë së zyrtarëve të Inspektoratit Qendror.
3. Në secilin prej çasteve të mësipërme, zyrtari pjesëmarrës në vendimmarrje, me kompetencë thelbësore dhe përcaktuese, është i detyruar të deklarojë në zbatim të pikës 1 të nenit 7 të ligjit nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike", nëse ka një interes privat që mund të shkaktojë rënien në konflikt interesi të çfarëdo lloji.
4. Në të njëjtat raste, eprori ose institucioni epror mund t'i kërkojë zyrtarit të deklarojë rast pas rasti interesat private ne zbatim të pikes 2 te nenit 7 te ligjit nr. 9367 date 07.4.2005 "Per parandalimin e konfliktit te interesave ne ushtrimin e funksioneve publike".
5. Kur vlerësohet se ka rrezik për rënien në konflikt interesi të zyrtarit, veprohet sipas nenit 37 të ligjit nr. 9367 date 07.4.2005 "Per parandalimin e konfliktit te interesave ne ushtrimin e funksioneve publike".

5

## Neni 6 Interesat private

1. Interesat private te nje zyrtari jane ato interesa qe parashikon neni 5 i ligjit nr. 9367 date 07.4.2005 "Per parandalimin e konfliktit te interesave ne ushtrimin e funksioneve publike", me konkretisht:

- a) të drejta dhe detyrime pasurore të çdo lloj natyre;
- b) çdo marrëdhënie tjetër juridiko-civile;
- c) dhurata, premtime, favore, trajtime preferenciale;
- ç) negocime të mundshme për punësim në të ardhmen nga ana e zyrtarit gjatë ushtrimit të funksionit apo negocime për çdo lloj forme tjetër marrëdhëniesh me interes privat për zyrtarin, pas lënies së detyrës, të kryer nga ai gjatë ushtrimit të detyrës;
- d) angazhime në veprimtari private me qëllim fitimi ose çdo lloj veprimtarie, që krijon të ardhura, si dhe angazhime në organizata fitimprurëse dhe jofitimprurëse, sindikata ose organizata profesionale, politike, shtetërore dhe çdo organizatë tjetër;
- dh) marrëdhënie:
  - i. familjare apo të bashkëjetesës;
  - ii. të komunitetit;
  - iii. etnike;
  - iv. fetare;
  - v. të njohura të miqësisë apo të armiqësisë;
- e) angazhime të mëparshme, nga të cilat kanë buruar ose burojnë interesa të përmendur në shkronjat e mësipërme të këtij neni.

2. Kufizimet e interesave privatë, të përcaktuara shprehimisht ne ligjin 9367 date 07.4.2005 "Per parandalimin e konfliktit te interesave ne ushtrimin e funksioneve publike", zbatohen së bashku me kufizimet e të njëjtit interes privat, të përcaktuara shprehimisht në një ligj tjetër, sipas parimit, që zbatohet ai kufizim që është më i rreptë.

3. Nëse në ligjin nr. 9367 date 07.4.2005 "Per parandalimin e konfliktit te interesave ne ushtrimin e funksioneve publike", në lidhje me një interes të caktuar privat të një zyrtari, nuk është përcaktuar ndonjë kufi sasior i kufizimit të këtij interesi, ndërsa në një ligj tjetër i njëjti interes, me qëllim parandalimin e konfliktit të interesave, kufizohet shprehimisht sipas një kufiri sasior, atëherë ky kufizim zbatohet edhe per kriteret e percaktura ne ligjin nr. 9367 dt.07.4.2005 "Per parandalimin e konfliktit te interesave ne ushtrimin e funksioneve publike" dhe anasjelltas.

4. Vlerësohet shkak për lindjen e konfliktit të interesit, çdo lloj interesi privat i zyrtarit nga ata të përcaktuar ne nenin 5 te ligjit nr. 9367 date 07.4.2005 "Per parandalimin e konfliktit te interesave ne ushtrimin e funksioneve publike", çdo lidhje apo gërshetim ndërmjet dy a më shumë prej tyre, nëse për shkak të këtij interesi ose për shkak të daljes jashtë kufizimeve të detyrueshme të këtij interesi, shfaqet një gjendje me konflikt interesi, sipas përkufizimeve të pikave 1 e 4 të nenit 3 të ligjit te lartpermendur.

6

**KREU II**  
**PROCEDURAT DHE MJETET PËR IDENTIFIKIMIN DHE REGJISTRIMIN E**  
**KONFLIKTEVE RAST PAS RASTI TË INTERESAVE**

**Seksioni 1**

**Identifikimi dhe regjistrimi i interesave në kushtet e konflikteve rast për rast të interesave**

**Neni 7**

**Deklarimi rast për rast i interesave privatë të zyrtarit**

1. Çdo zyrtar i Inspektoratit Qendror, sipas përcaktimit të këtij termi në pikat 1 e 2 të nenit 2 të kësaj rregulloreje, detyrohet të bëjë vetëdeklarim paraprak, rast për rast, të ekzistencës së interesit të tij privat, që mund të bëhet shkak për lindjen e konfliktit të interesit.
2. Deklarimi rast për rast i interesave private bëhet çdo herë nga Inspektori i Përgjithshëm dhe Drejtoret e Drejtorive para fillimit të detyres dhe periodikisht.
3. Deklarimi, si rregull duhet kërkuar dhe bërë paraprakisht. Kur kjo nuk është e mundur ose kur nuk ka ndodhur, deklarimi kërkohet dhe bëhet sa më shpejt të jetë e mundur.
4. Vetëdeklarimi ose deklarimi me kërkesë bëhet me shkrim, kur zyrtari ose punonjësi përfshihet në një vendimmarrje për një akt dhe/ose për subjekte të deklarimit periodik të interesave private në Inspektoratin Qendror.

**Neni 8**

**Identifikimi i interesave privatë të zyrtarit nga persona të tretë**

1. Ofrimi i informacionit, për interesat privatë të zyrtarit në Inspektoratin Qendror, është:
  - a) detyrë e çdo zyrtari që ka dijeni;
  - b) e drejtë e palëve të interesuara dhe e çdo personi, që ka dijeni dhe që ka një interes në përgjithësi e që përputhet me qëllimin e ligjit nr. 9367, datë 7.4.2005 "Per parandalimin e konfliktit të interesave në ushtrimin e funksioneve publike".
2. Burime të tjera informacioni për interesat privatë të një zyrtari dhe punonjësi të Inspektoratit Qendror mund të jenë edhe ato burime të parashikuara në nenin 9 të ligjit nr. 9367, datë 7.4.2005 "Per parandalimin e konfliktit të interesave në ushtrimin e funksioneve publike".

**Neni 9**

**Lëshimi i autorizimit nga zyrtari i Inspektoratit Qendror**

Inspektorati Qendror vë në dispozicion të zyrtarëve të saj modelin e autorizimit, në formë e në përmbajtje, që këta duhet të lëshojnë.

## Neni 10 Detyrat e Autoritetit Përgjegjës

Autoriteti Përgjegjës i Inspektoratit Qendror, kryen detyrat e mëposhtme:

- a) mbledh dhe dokumenton interesat private të zyrtarëve të IQ-së;
- b) shpërndan dhe mbledh autorizimet e detyrueshme për t'u lëshuar nga zyrtarët e Inspektoratit Qendror sipas nenit 10 të ligjit nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike" dhe nenit 9 të kësaj rregulloreje;
- c) krijon regjistrin përkatës dhe mban regjistrimet rast për rast të konfliktit të interesit;
- ç) bazuar në regjistrimin dhe vlerësimin e interesave private të zyrtarëve të Inspektoratit Qendror, u sugjeron atyre dhe/ose eprorëve të tyre, çështjet dhe momentet kur zyrtarët, dhe/ose eprorët e tyre duhet të tregohen të kujdesshëm për parandalimin e:
  - i. konfliktit rast për rast të interesit (faktik, në dukje dhe të mundshëm);
  - ii. konfliktit të vazhdueshëm të interesit;
- d) kryen me autorizim te Inspektorit te Pergjithshem te Inspektoratit Qendror, verifikim të interesave të deklaruar apo të padeklaruar të zyrtarëve dhe punonjësve të këtij institucioni, duke shfrytëzuar të gjitha mundësitë që i jep ligji, dhe informon për këtë, sipas rastit Inspektorin e Përgjithshëm;
- dh) mbështet eprorin e zyrtarit në vlerësimin e kryerjes së padrejtë të detyrave për shkak të konfliktit të interesit, në marrjen e masave disiplinore apo në propozimin për vendosjen e gjobave në rast kundërvajtjesh administrative të zyrtarit, në kuptim të ligjit nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike";
- e) përgatit guida, informon, këshillon e trajnon zyrtarët në lidhje me këtë ligj, me të drejtat e detyrimit e tyre dhe me parandalimin sa më të mirë të konfliktit të interesave;
- ë) merr masa për të siguruar aksesin e informimit e publikut në të dhënat personale të zyrtarëve dhe në dokumentet e tjera zyrtare që lidhen me konfliktin e interesit;
- i. Drejtoret e drejtorive marrin masa për të lehtësuar ankimin administrativ të palëve të interesuara në lidhje me aktet e marra në konflikt interesi, zyrtarëve përgjegjës, si dhe mbështesin Inspektoratin Qendror në ndërmarrjen e hapave ligjore për dëmshpërblimin e palëve të treta të dëmtuara dhe kalimin e barrës së dëmshpërblimit te zyrtarët përgjegjës;
- ii. marrin masa për të miratuar në rregulloret e brendshme të Inspektoratit Qendror, udhëzimet e orientimet e lëshuara .
- g) mbështet Inspektorin e Përgjithshëm në kryerjen e deklarimit periodik të interesave nga zyrtarët e Inspektoratit Qendror;
- h) ndjek e zbaton detyra të tjera që i ngarkohen sipas kësaj rregulloreje ose urdhrave të Inspektorit të Përgjithshëm.

## Neni 12 Regjistri i konflikteve rast për rast të interesave

1. Për regjistrimet e konflikteve rast për rast të interesave të zyrtarëve të Inspektoratit Qendror, krijohet regjistri me të njëjtin emër.

2. Regjistri i konflikteve rast për rast të interesave administrohet nga Autoriteti Përgjegjës i Inspektoratit Qendror.

### Neni 13

#### Regjistrimet rast për rast të konflikteve të interesit

Autoriteti përgjegjës, për çdo rast të shfaqjes së një konflikti të interesit, regjistron identitetin e zyrtarit të Inspektoratit Qendror, interesat privatë të tij shkak për konflikt interesi, thelbin e konfliktit, palët e interesuara, burimin e të dhënave, mënyrën e marrjes dhe të verifikimit të tyre, si dhe vendimin që është marrë, mbështetur në këto të dhëna.

### Neni 14

#### Mbrojtja për dhënien e informacioneve

Çdo shtetas, i cili ofron informacion të bazuar për rastet e konfliktit të interesave të padeklaruara nga zyrtarët e Inspektoratit Qendror përfiton mbrojtje të veçantë administrative, si më poshtë:

- a) zyrtari i Inspektoratit Qendror, për të cilin jepet informacion, nuk mund të ushtrojë asnjë kompetence administrative me efekte ndëshkuese mbi shtetasin informues si dhe të mos bëhet pengesë për fitimin e të drejtave të ligjshme nga ky i fundit për shkak të dhënies së informacionit;
- b) kur marrja e masës ndaj shtetasit që informon përcaktohet nga një shkak tjetër ligjor, ajo merret vetëm nga një zyrtar tjetër i Inspektoratit Qendror, që qëndron në marrëdhënie varësie vertikale mbi zyrtarin, për të cilin është dhënë informacioni.

### Neni 15

#### Ndalimi i marrjes së dhuratave, favoreve, premtimeve ose trajtimeve preferenciale

1. Është e ndaluar që një zyrtar në Inspektoratin Qendror të kërkojë, të pranojë ose të marrë, në mënyrë të drejtpërdrejtë a të tërthortë, për veten, për familjen, të afërmit, dhurata, favore, premtime ose trajtime preferenciale, të cilat i jepen për shkak të pozicionit të tij në Inspektoratin Qendror, nga një individ, person fizik ose juridik privat, nga subjekte të deklarimit të interesave private periodike në Inspektoratin Qendror, kur kjo mund të shkaktojë lindjen e një konflikti interesi të çdo lloji, ose që ndikon ose duket sikur ndikon në paanshmërinë e kryerjes së detyrës a është ose duket sikur është shpërblim për mënyrën e kryerjes së detyrës zyrtare.

a) "Dhurata", sipas kësaj rregulloreje ka të njëjtin kuptim të përcaktuar në ligjin nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike" dhe në VKM-në nr. 714, datë 22.10.2004 "Per veprimtarine e jashtme dhe dhenien e dhuratave gjate veprimtarise se nepunesit te administrates publike";

b) Nuk konsiderohen si dhurata, në kuptim të këtij neni, dhuratat, të cilat i ofrohen zyrtarit si pasojë e lidhjeve farefisnore apo njohjeve personale që ai ka me dhuruesit, si edhe në rastin kur është e qartë se dhurata nuk ka asnjë lidhje me pozicionin dhe cilësinë si nëpunës i administratës publike, të personit, që merr dhuratën.



2. Zyrtari nuk duhet që, në mënyrë të drejtpërdrejtë ose të tërthortë, të japë dhurata ose të ndërmjetësojë për të dhënë dhurata për një zyrtar të një niveli më të lartë apo të afërm të tij dhe as të kërkojë ose të pranojë dhurata nga zyrtarë të një niveli më të ulët ose të afërm të tij, për shkak të cilësive dhe raporteve zyrtare.

3. Rregullat e mësipërme nuk zbatohen në rastin e ftesave të zakonshme apo kur janë të ftuar punonjës ose kolegë të tjerë, të mikpritjes tradicionale, dhuratave me vlerë simbolike apo tradicionale dhe të mirësjelljes, brenda kufijve normalë të traditës, zakoneve dhe praktikës së përditshme, të cilat nuk krijojnë dyshime për paanësinë e nëpunësit.

4. Pranimi dhe vlerësimi i dhuratave bëhet sipas rregullave të përcaktuara në nenin 23 të ligjit nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike" dhe në VKM-në nr .714, datë 22.10.2004 "Per veprimtarine e jashtme dhe dhenien e dhuratave gjate veprimtarise se nepunesit te administrates publike";

5. Në asnjë rast zyrtari i Inspektoratit Qendror nuk duhet të pranojë dhurata në vlerë monetare.

6. Përjashtohen vetëm rastet e përcaktuara me akte të organeve kompetente, të cilat lejojnë pranimin e dhuratave apo trajtimeve preferenciale për arsye protokollare.

#### Neni 16

##### Prania dhe kufizimi i interesave privatë të personave të lidhur me zyrtarin

1. Person i lidhur me zyrtarin e Inspektoratit Qendror, për kufizimet e interesave privatë të zyrtarëve, të përcaktuar në nenet 16 e 17 të kësaj rregulloreje janë përkatësisht:

a) bashkëshorti/ja, fëmijët në moshë madhore, prindërit e zyrtarit e të bashkëshortit/es;  
b) çdo person fizik ose juridik, i cili, në lidhje me dhuratën, favorin, premtimin ose trajtimin preferencial, luan rolin e ndërmjetësit a të shkëmbyesit të interesave të lindur nga ky veprim.

2. Ndalimet dhe kufizimet për zyrtarin e Inspektoratit Qendror, të përcaktuara në këtë rregullore, zbatohen edhe për personat e lidhur me të, në përputhje me pikën 1 të këtij neni.

3. Përsa i përket kufijve të zotërimit të aksioneve ose të pjesëve në kapital, për zyrtarin e Inspektoratit Qendror dhe personin e lidhur me të, zbatohen drejtpërdrejt parashikimet e nenit 24, pikat 4 e 5 dhe nenit 35, pikat 2 e 3, të ligjit nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike".

4. Personi i lidhur me zyrtarin e Inspektoratit Qendror, nuk mund të ushtrojë veprimtari si person fizik tregtar ose ortakëri personash fizikë tregtarë të çdo forme, nëse veprimtaria përputhet ose pritet me sferën e juridiksionit të zyrtarit të Inspektoratit Qendror dhe të kompetencës së tij për të vepruar, me akte individuale apo normative të nxjerra nga ai, ose kur zyrtari ka rol thelbësor dhe përcaktues në nxjerrjen e këtyre akteve, të cilat krijojnë pasoja juridike, përfitime ose kosto mbi këtë person fizik apo mbi shoqëri tregtare e persona të tjerë fizikë, që bashkëpunojnë ose konkurrojnë me personin e lidhur. Kjo pikë nuk zbatohet kur plotësohet kushti i mëposhtëm:

a) veprimtaria dhe/ose disa veprimtari tregtare së bashku të një personi të lidhur krijojnë një të ardhur të përgjithshme bruto vjetore, që nuk tejkalon kufirin e parashikuar nga ligji.

#### Neni 17

#### Mënyrat e trajtimit dhe të zgjidhjes së konfliktit të interesave

Mënyrat e trajtimit dhe të zgjidhjes së konfliktit të interesave për zyrtarët/punonjësit e Inspektoratit Qendror bëhen sipas kreut IV të ligjit nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike".

#### Neni 18

#### Ndalimi i shpërdorimit të së drejtës

Asnjëra nga dispozitat e kësaj rregulloreje nuk mund të interpretohet sikur i jep zyrtarëve të Inspektoratit Qendror, të drejta që të ndërmarrin ndonjë veprimtari ose të kryejnë ndonjë akt që synon cenimin e parashikimeve dhe rregullave të përcaktuara në ligjin nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike" dhe në këtë rregullore.

Në mungesë të parashikimeve të veçanta në këtë rregullore, zbatohen drejtëpërdrejt dispozitat e përcaktuara në ligjin nr. 9367, datë 7.4.2005 "Per parandalimin e konfliktit te interesave ne ushtrimin e funksioneve publike".

#### Neni 19

#### Hyrja ne fuqi

Kjo rregullore hyn ne fuqi menjehere.

**Mimoza HAJDARMATAJ**  
**INSPEKTOR I PËRGJITHSHEM**

